

Na osnovu Naredbe Kriznog štaba Ministarstva zdravstva FBiH od 09.09.2021. godine, v.d. direktor JU Sarajevska filharmonija donosi:

KRIZNI PLAN PRIPRAVNOSTI I ODGOVORA NA POJAVU KORONAVIRUSA (COVID-19)

Ovim Kriznim planom Javna ustanova Sarajevska filharmonija (u daljem tekstu: Filharmonija) utvrđuju se preventivne mjere u cilju usmjeravanja radnika Filharmonije u okolnostima izazvanim pojavom koronavirusa (COVID-19).

I TIM ZA UPRAVLJANJE KRIZNOM SITUACIJOM

Direktor imenuje Tim za upravljanje kriznom situacijom za dalje poduzimanje neophodnih aktivnosti u vezi sa sprečavanjem širenja zaraze u prostorijama Filharmonije, donošenjem potrebnih radnih uputstava ili instrukcija.

Predstavnici tima su:

1. Alisa Salahović, stručni saradnik za pravne poslove
2. Adila Hubijar, higijeničarka
3. Nina Granov, stručni saradnik za propagandu
4. Altijana Jažić, notni arhivar
5. Edin Hadžić, solista orkestra – prvi fagot

II HIGIJENSKO EPIDEMIOLOŠKE MJERE KOJE PROVODE SVI RADNICI FILHARMONIJE

- Obavezno nošenje zaštitne maske preko usta i nosa za zaštitu respiratornog sistema u zatvorenom prostoru, osim članova orkestra koji sviraju duvački instrument za vrijeme aktivnog učešća u radu orkestra (probe i izvedbe)
- Smanjenje fizičkog kontakta uz poštivanje minimalnog razmaka od 2 metra
- Preporučuje se sve sastanke održavati on line, ili kada je to neophodno, u što većim prostorijama sa ne više od 7 osoba uz obavezno nošenje maski i poštivanje minimalnog razmaka od 2m
- Prati ruke više puta u toku radnog vremena i dezinfikovati raspoloživim sredstvom za dezinfekciju ruku
- Izbjegavati rukovanja, te potaknuti održavanje razmaka od barem 2m kod razgovora
- Redovno, a najmanje dva puta dnevno provjetravati sve radne prostorije. Za vrijeme održavanja kolektivnih proba orkestra, obavezno provjetravati prostor na pauzama proba.

Za provedbu i podsticanje na provedbu navedenih mjera zadužuju se Edin Hadžić i Altijana Jažić za prostor koji koriste članovi orkestra, a ostali članovi tima za prostor koji koristi Uprava.

III HIGIJENSKO EPIDEMIOLOŠKE MJERE KOJE PROVODE POSJETIOCI

- Kontrolisati dozvoljeni broj posjetilaca u skladu sa preporukama i naredbama Kriznog štaba FBiH i Kriznog štaba Ministarstva zdravstva Kantona Sarajevo
- Svi posjetioci u svakom momentu moraju posjedovati zaštitnu masku preko usta i nosa
- Svi posjetioci moraju proći dezobarijeru na ulasku u pozorište, dezinfikovati ruke dostupnim sredstvom za dezinfekciju, te omogućiti mjerenje temperature od strane ovlaštenog radnika
- Osigurati da se na ulazu u pozorište ne stvaraju gužve
- Osigurati da se raspored sjedenja u sali utvrdi na način da su dva prazna mjesta između osoba u svakom redu, osim članova istog domaćinstva, ali tako da u redu ispred i redu iza svake osobe bude prazno sjedište (naizmjenični raspored)
- Označiti sjedišta koja se ne smiju koristiti
- Posjetioci moraju ulaziti jedno po jedno uz poštivanje distance, te na isti način napuštati salu
- Osigurati kontinuiranu ventilaciju prostora koji koriste posjetioci.

Za provedbu i podsticanje na provedbu navedenih mjera zadužuje se Nina Granov.

IV SAMOIZOLACIJA BOLESNIH I PRAĆENJE KONTAKATA

Svi radnici Filharmonije obavezni su u slučaju pojave simptoma zaraze korona virusom (povišena temperatura/respiratorna infekcija) ostati kod kuće, obavijestiti poslodavca i nadležnu zdravstvenu ustanovu, obaviti testiranje na covid19, te u slučaju pozitivnog nalaza:

- otvoriti bolovanje
- poslati obavijest poslodavcu (email)
- obavijestiti osobe sa kojima su ostvarili bliski kontakt.

Radnici Filharmonije u obavezi su da vode računa o osobama sa kojima su u zadnjih 48 sati bili na manjoj fizičkoj udaljenosti od 2 metra i vremenski duže od 15 minuta bez zaštitne maske („bliski kontakt“). Radnik koji je ostvario bliski kontakt sa zaraženom osobom obavezan je odmah po tom saznanju uraditi brzi antigenski test, te se radnim obavezama i kolektivu vratiti tek u slučaju negativnog testa.

V MJERE HIGIJENE

1. Svi radnici Filharmonije su obavezni dezinfikovati obuću prilikom ulaska u zgradu pozorišta na postavljenim dezobarijerama, dezinfikovati ruke sredstvom za dezinfekciju postavljenim na ulazu u pozorište, uz nošenje maske za lice i održavanje fizičke distance u svim smjerovima najmanje 2 metra, te dopustiti mjerenje temperature od strane ovlaštenog portira. Za provedbu ove mjere zaduženi su lično svi radnici.

2. Najmanje jednom dnevno će se:

- dezinficirati električni prekidači u zajedničkim prostorijama, šteke na vratima u zajedničkim prostorijama i kancelarijama, rukohvate u hodnicima, telefone u zajedničkim prostorijama i kancelarijama, radne stolove, vrata i katance ličnih ormara koje koriste članovi orkestra
- mehanički očistiti i dezinficirati sve površine u prostorijama u kojima borave radnici Filharmonije (tri kancelarije Uprave, notna arhiva i orkestarska sala) sredstvom na bazi hlora.

3. Obavezno je u svim prostorima koje koriste radnici i posjetioци obezbijediti dezobarijere na ulazima i sredstva za dezinfekciju ruku.

Za provedbu navedenih mjera čišćenja i dezinfekcije zadužuje se higijeničarka Hubijar Adila, koja je obavezna o dnevnim aktivnostima i čišćenju voditi pisanu evidenciju.

Nepridržavanje mjera utvrđenih ovim Kriznim planom od strane radnika i posjetilaca Filharmonije predstavlja kršenje Zakona o zaštiti stanovništva od zaraznih bolesti („Sl. Novine FBiH“, broj:29/05).


NAPOMENA: Ovaj krizni plan mijenjat će se i dopunjavati shodno preporukama i naredbama nadležnih organa.

Sarajevo, 20.09.2021.

Broj: 5481/09/O/21

Dostaviti:

- Oglasna ploča
- Web stranica
- a/a


v.d. direktor:
mr. Adi Šehu

